

Pemborong barang jenama tiruan ditahan

BUKIT MERTAJAM

- Seorang lelaki yang dipercayai pemborong barangan tiruan jenama terkenal terbesar di Pulau Pinang dan Perak ditahan Kementerian Perdagangan Dalam Negeri dan Hal Ehwal Pengguna (KPDNHEP) di sebuah rumah di Pulau Tikus, George Town dekat sini kelmarin.

Pengarah KPDNHEP Pulau Pinang, Mohd Ridzuan Abdul Ghapar berkata, sebanyak 5,362 pakaian serta kasut berjenama tiruan bernilai kira-kira RM150,000 turut dirampas.

"Sebanyak 133 pasang pakaian yang dijadikan sampel barangan tiruan yang hendak ditunjukkannya kepada bakal pembeli dan peruncit sebelum membuat tempahan selain seunit komputer untuk merekodkan urusan tempahan dan jual beli turut dirampas," katanya pada sidang media di sini semalam. - *Bernama*